

de poudre de bois || pourry, puis ayans disposé une 284
grande caisse d'escorce, y font un liêt de la dicte pou-
dre, sur lequel ils sement de la semence de citrouilles,
qu'ils couurent après d'un autre liêt de la mesme
poudre, & sur icelle sement de rechef des semences,
iusques à 2. 3. & quatre fois autant qu'ils veulent, en
telle forte neantmoins qu'il y reste encor plus de quatre
ou cinq bons doigts de vuide dans la caisse, pour don-
ner lieu au germe des semences, après ils couurent la
caisse d'une grande escorce, qu'ils posent sur les deux
perches suspenduës à la fumée du feu, laquelle eschauffe
petit à petit tellement ceste poudre & en suite les se-
mences, qu'elles germent en fort peu de iours, estant
grandelettes & propres à planter, on les prend par
bouquets avec leur poudre, on les sépare, puis on les
plante dans les champs en lieux disposez, d'où après
on en cueille le fruiêt en sa saison.

La moisson du bled estant faicte, nos Sauuages en
usent en diuerfes façons, car pour le manger en pain
ou petits gasteaux, ils luy font premierement prendre
un bouillon dans de l'eau, puis l'essuyent & font un
peu seicher: en après ils le broyent dans le grand
mortier, & paistrissent avec de l'eau tiede comme on
faicte la paste de laquelle ils font des petits gasteaux
espais d'un bon pouce, qu'ils font cuire sous les cen-
dres chaudes enuelopez de feuilles de bled, & à faute
de feuilles le lauent & nettoient après qu'il est cuit:
s'ils ont des fezolles ils en font cuire dans un petit pot,
& en meslent parmy la paste sans les escacher, ou bien
des || fraizes, des bluës, des framboises, meures cham- 285
pestres, & autres petits fruiêts secs & verts pour luy